



Sarajevo, 26.11.2020. godina  
MEDIJIMA

### **PRIOPĆENJE ZA MEDIJE**

#### **Vrijeme je da BiH intenzivira rad na ispunjavanju prioriteta iz Mišljenja**

Peti sastanak Odbora za stabilizaciju i pridruživanje između EU i BiH održan je danas putem video-konferencije.

Pozdravljajući do sada poduzete aktivnosti, Evropska komisija je poručila kako je vrijeme da BiH intenzivira rad na ispunjavanju ključnih prioriteta iz Mišljenja kao i da njihova realizacija zahtjeva jaču političku uključenost.

Komisija je pozdravila održavanje lokalnih izbora kao i pripreme za njihovu realizaciju u Mostaru. Istaknuta je važnost izrade Programa integriranja BiH u EU, koja je započeta u oktobru.

Evropska komisija je pozvala BiH da što prije završi proces usvajanja Akcionog plana za reformu javne uprave u BiH kao i usvajanje cjelodržavne strategije za upravljanje javnim finansijama.

Komisija je istaknula kako je potrebno hitno adresirati nedostatke u funkcioniranju pravosuđa, a ključni koraci koje vlasti u BiH trebaju poduzeti su usvajanje zakona o VSTV-u, zakona o sudovima u BiH i zakona o sukobu interesa na državnom nivou.

Pozdravljeno je usvajanje Revidirane strategije za rad na predmetima ratnih zločina, a Komisija je pozvala vlasti u BiH da uspostave nacionalni mehanizam za sprječavanje mučenja i zlostavljanja kao i da usvoje zakon o Ombudsmanu za ljudska prava.

Istaknuto je kako EU nastavlja podržavati BiH u upravljanju migrantskom krizom, te da i dalje nema poboljšanja u koordinaciji među nadležnim institucijama u BiH.

Komisija je istaknula kako BiH treba jačati kapacite vezano za ekonomsku politiku, te implementirati smjernice sa zadnjeg Ekonomsko-financijskog dijaloga.

Pozdravljeno je imenovanje članova Vijeća za mjeriteljstvo BiH, a obaveza BiH ostaje izrada strategije za infrastrukturu kvaliteta. Komisija je pozvala BiH da povuče mjere za preferencijalni tretman domaćih ponuđača pri dodjeli javnih nabavki.

Među obavezama BiH ostaju usvajanje zakona o elektronskoj identifikaciji i uslugama povjerenja za elektronske transakcije, zakona o elektronskim komunikacijama i elektronskim medijima. BiH treba izraditi i usvojiti cjelodržavnu strategiju za zapošljavanje i strategiju za pametnu specijalizaciju.

Delegacija BiH je informirala Evropsku komisiju o poduzetim aktivnostima u BiH i uputila zahtjeve prema institucijama EU vezano za problematiku odlaganja radioaktivnog otpada na lokaciji Trgovinska gora.

Fotografije i audio-video zapis izjave Edina Dilberovića, direktora Direkcije i predsjedavajućeg delegacije BiH možete preuzeti na linku:

<https://wetransfer.com/downloads/5dba7b5737607ce5d1b586d28d585b0520201126122718/112f6a4522fd41d0b10115a97fe0a46b20201126122736/8cb2c7> .

Petim sastankom Odbora za stabilizaciju i pridruživanje kopredsjedali su Edin Dilberović, direktor Direkcije za evropske integracije i Michela Matuella, šefica Odjela za Albaniju i BiH u DG NEAR. Dvije delegacije razgovarale su o provođenju SSP-a i preporuka Evropske komisije vezano za politički i ekonomski kriterij te sektorske politike. O radu Odbora vidi više: [http://dei.gov.ba/dei/bih\\_eu/zajednickatijela/default.aspx?id=20237&langTag=bs-BA](http://dei.gov.ba/dei/bih_eu/zajednickatijela/default.aspx?id=20237&langTag=bs-BA).

Direkcija za evropske integracije